



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita R. P. Iosephi Anchietae Societatis Iesv Sacerdotis In
Brasilia defuncti**

Berettari, Sebastiano

Coloniae Agrippinae, 1617

Epistola Ad Franciscum Escalantium.

urn:nbn:de:hbz:466:1-42044

scum Escalantium scripsit; quem in ipso Ianuariensi sinu ex Hispanica classe ab ipso admissum in Societatem scripsimus.

EPISTOLA AD FRANCISCUM ESCALANTIUM.

I E S U S.

CHARISSIME in Christo frater pax Christi. Quoniam nostra nauis, qua ad te literas dare constitueram, non ita breui iter factura erat, statui nihilominus has ad te literas fortunę committere bonam illis, nobisque, & verē bonam à Deo fortunam comprecatus; quæ est in Dei gratia, & amore semper viuere, & in eo ad finē usque vitæ perseverare. Huius rei causam Deus te ab humanis rebus auellens religionique inuenit; teque in ea tot annos aluit, conseruauitque. Cuius diligenter, ne vel modicum quidem diffidentie cor tuum subeat: nam etsi in te, & tuisque rebus nihil

nisi

nisi miseras, culpas, & magnam aduersus hostium impugnationes imbecillitatem inuenias ; à Deo tamen firmum tibi est auxilium , & omnia diuinæ gratiæ bona , quibus fultus præsidij, certamina superate ac de hostib⁹ triūphare tibi dabitur. Scio quidem te isto genere vitæ esse contentum , deque eo per sæpe Deo grates agere: tamen intelligo, fiduciam tibi, vti dixi, opus esse , tum in Deo , tum in Præsidum tuorum charitate defixā, quos Dei loco habeas necesse est : ijs enim studio illud est in primis, vt esse debet, perfectam vt virtutem assequaris , atq; ad eā rem omnia tibi adiumenta comparare. Caue, ne ad hunc ex animo tibi sensum euellendum, vlla ne tenuis quidem suspicio subrepat. Quicquid alij seu sentiant, seu suggerant , illud tibi persuade, te in isto esse Collegio tantum vt tuam salutem à Deo consequare. Da operam , vt ipse saluus fias , & hoc contentus esto, ita tamē vt, cum intra animum tuum fratres omnes

Q 6

inter-

interno amore; ac reuerentia prosequaris, eosque virorum sanctorum numero habendos esse sentias, tua tamen consuetudo, & colloquia cum ijs præcipuè sint, quorum tibi v. tum, moresque ad fructum pietatis prodesse sentias. Beatam in primis Virginem Reginam nostram, perpetuam tota vita adiutricem fac habeas, ei que de me interdum preces offer. E sede Spiritus sancti, in qua frequens tui memor sum. 14. Kal. Ianuarias 1587.

Tuus in Christo Frater.

IOSEPHVS ANCHIETA.

PAREM planè pietatem, diuinique Spiritus virtutem duæ aliæ ad eundem epistolæ continent; que, quia prodesse possunt, statui eas non omittere: tum ob eum, qui percipi ex ijs fructus potest, tum vt ijs satisfaciam, qui aduersus hunc virum aliquam reuerentiam conceperunt; vt his legendis, ipsum sibi præsentem, & loquentem audire videantur.

IDEM